

YANGI O‘ZBEKISTON

Ijtimoiy-siyosiy gazeta

№ 59 (1120), 2024-yil 22-mart, juma



www.yuz.uz



yuz.uznews



yuz_official



yuz.uz_news



yuz



BUGUNGI YANGILANISHLARIMIZ NAVRO‘Z FALSAFASI, HAYOTIY QUUVVAT RUHI BILAN HAMOHANG VA UYG‘UN

“Humo-Arena” saroyida Navro‘z bayramiga bag‘ishlangan tantanali tadbir bo‘lib o‘tdi



Bugun qir-adirlar, bog‘u rog‘lar fayzi bir go‘zal. Maysalar bo‘y ko‘rsatib, gul ifori olamni tutgan, dov-daraxtlar gulga burkanmoqda. 21-mart — Navro‘z tongi esa yanada fayzli boshlandi. Yangi kunimizni obirahmat bilan siylagan, yurtimizga qut-baraka, elimizga rizq ulashgan yomg‘irdan so‘ng tabiat iforidan dillar yayraydi. Ona zamin nafasi bobodehqonlami, tadbirli elimizni dashtu dalalarga chorlamog‘da. Ha, bu ko‘klam tarovatidan, Navro‘z falsafasidan hayotiy mujda.

Shunday chog‘da kishi qalbi she‘r bo‘ladi. Shoirimiz Abdulla Oripovni eslaymiz:

Yana ko‘ngillardan rutubat ketdi,
Yana shu‘laldan qamashmog‘da ko‘z.
Yana dildorlikning fursati yetdi,
Demak, Bahor keldi,
Kelmoqda Navro‘z!

Bu kun Toshkent ham o‘zgacha bezangan. Poytaxt tabiati bahor ifori bilan mayinlashgan. “Humo-Arena” saroyi, uning atrofi esa yanada go‘zal tusga kirgan — bahoriy ramzlarga burkangan. Unga eltuvchi yo‘llar, saroy atrofi barchamizning faxru g‘ururimiz ramzi — bayroqlarimiz bilan bezatilgan. Ularning mayin va tanga yoqadigan bahoriy epinlar ta‘sirida ohista hilpirab turishi kishi qalbidagi o‘zgacha faxr tuyg‘usini uyg‘otadi.

Muhtasham saroyda Navro‘z bayramining bosh tadbiri bo‘lib o‘tadi.

Mehr-oqibat, xayru saxovat, ezgu amallar, bunyodkorlik, obodlik va farovonlik tantanasiga taklif qilinganlar qalbida quvonch va faxr hissi jo‘sh urayotganini sezasiz. Ular orasida senatorlar, deputatlar, hukumat a‘zolari, davlat va jamoat arboblari, ilmfan, madaniyat va san‘at namoyandalari, tadbirkorlar, nuroniyat, yoshlar, hududlardan kelgan mehmonlar, xullas, keng jamoatchilik vakillari bor.

Biz ham — ikki hamkasb bayram sari shoshilamiz. Yo‘l-yo‘lakay subhatimiz bu yilgi ko‘klamning barakali kelayotganidan boshlamadi.

— O‘tgan kuni Ko‘kdala tomonlarga borib keldim. Dalalarni bir oz piyoda kezdim. Bahor obi-tobida kelyapti. Qir-adirlar ko‘m-ko‘k, chorva ko‘kka to‘ya boshlabdi. “Dehqonchiligimiz osmondan yog‘adigan barakaga bog‘liq, Xudo xohlasa, bu yil suv mo‘l bo‘ladi”, deyapti qishloq odamlari.

— Men ham yaqinda Nurotada bo‘ldim. Oqtovu Qorotov boshida oppoq qorlami ko‘rdim. Kecha qishloqdosh bir akamiz qo‘ng‘iroq qildi. Tog‘ yonbag‘irlardagi qishloq soylaridan suv kela boshlabdi. “Bu soylarda suv ko‘rmaganimizga ham ancha bo‘lgan edi”, deydi. Quvonadi, mehmonga chorlaydi. Gapi dadil. U bahorning barakali kelayotganidan ruh o‘ladi, deb o‘ylab qo‘ydim.

“Humo-Arena” saroyi mehri, saxovatli yurtdoshlarimiz bilan to‘la. Ularning yuz-

ko‘zlaridan, nigohlaridan, so‘zlaridan bugungi kun shukuhini, mamlakatimizda amalga oshirilayotgan ishlohtlar samarasidan mamnunlik hissini anglab olish qiyin emas.

Xalqimizni bayram bilan tabriklash uchun Prezidentimiz Shavkat Mirziyoyev kirib keladi.

Davlatimiz rahbari xalqimizni ulug‘ ayyom bilan qutlar ekan, yangilanish va yasharish fasli — Bahor va Navro‘z bayramining hayotimiz hamda jamiyatimizda nechog‘liq o‘rin egallashini alohida ta‘kidlab, jumladan, shunday dedi:

— Navro‘zi olam falsafasi bizning orzuintilishlarimiz, amaliy ishlarimiz bilan uzviy bog‘lanib ketganini bugun har qadamda yaqqol ko‘rish mumkin. “Yangi hayot uchun, Yangi O‘zbekiston uchun!” degan ezgu go‘ya atrofidagi birlashgan xalqimizning olijanob mehnati bilan mamlakatimizda yangi-yangi zamonaviy korxonalar, shinam uy-joylar, ijtimoiy va madaniy obyektlar, yo‘l va ko‘priklar, bog‘ va xiyobonlar barpo etilmoqda. Yurtimiz qiyofasi kundandakunguna obod va go‘zal bo‘lib bormoqda.

Chindan ham bugun yurtimiz mutlaqo yangi qiyofa kasb etgan. Shunga monand yurtdoshlarimiz kayfiyati ham ko‘tarinki. Ular qalbidagi buguni kechadan ko‘ra yaxshi bo‘lishi uchun kurash, baxtli yashashga intilish hissi jo‘sh urmoqda.

Davomi 3-beta

O‘ZBEKISTON RESPUBLIKASI PREZIDENTI SHAVKAT MIRZIYOYEVNING NAVRO‘Z UMUMXALQ BAYRAMIGA BAG‘ISHLANGAN TANTANALI MAROSIMDAGI NUTQI

Assalomu alaykum, aziz va muhtaram vatandoshlar!

Uzoq-yaqindan tashrif buyurgan hurmatli mehmonlar!

Siz, qadrdonlarimni, ko‘pmillatli butun O‘zbekiston xalqini barchamiz sog‘inib kurgan Navro‘zi olam bilan samimiy muborakbod etishdan baxtiyorman.

Bugun faslar almashib, yeru ko‘kda ilohiy mo‘jizalar yuz bermoqda. Yangi kun, yangi mavsum, yangi hayot nafasi boshlanmoqda. Tabiat uyg‘onishi bilan zimiston kechalardan zerikkan ko‘ngillar yasharib-yayramoqda.

Albatta, bugungi shodiyona bayramni el-yurtimiz bilan muazzam “Yangi O‘zbekiston bog‘i”da o‘tkazishni niyat qilgan edik. Lekin hammamiz ko‘rib turibmiz — so‘nggi kunlarda havo sohib, harorat bir oz pasayib qoldi. Bugun obi rahmat yomg‘irlari bilan osmondan rizqu ro‘z, qut-baraka yog‘moqda. Hammamiz bu holatni shukronalik bilan qabul qilamiz.

Mana shu muhtasham saroyda turib, barcha-barchangizga eng ezgu va samimiy tilaklarimni izhor etishga ijozat bergaysiz.

Xush kelibsiz yurtimizga, go‘zal Navro‘z! Olam sen bilan nurga to‘lsin! Sharqona Yangi yil hammamizga muborak bo‘lsin!

Qadrli do‘stlar!

Mana shu quvonchli kunlarda ona zamini-miz, jonajon O‘zbekistonimiz bamisoli ulkan va muhtasham bir sayilgohga aylanoqda. Farg‘ona vodiysi, Surxon va Qashqadaryo tog‘larida, Xorazm va Qoraqalpog‘ diyorida, Samarqand, Buxoro, Navoiyning go‘zal bog‘larida, Jizzaxu Sirdaryo kengliklarida, Toshkent vohasining yam-yashil adirlarida, azim poytaxtimiz maydonlarida el-yurtimiz sayil-tomoshalar o‘tkazib, Navro‘zni shodu xurramlik bilan kutib olmoqda.

Navro‘zi olam falsafasi bizning orzuintilishlarimiz, amaliy ishlarimiz bilan uzviy

bog‘lanib ketganini bugun har qadamda yaqqol ko‘rish mumkin. “Yangi hayot uchun, Yangi O‘zbekiston uchun!” degan ezgu go‘ya atrofidagi birlashgan xalqimizning olijanob mehnati bilan mamlakatimizda yangi-yangi zamonaviy korxonalar, shinam uy-joylar, ijtimoiy va madaniy obyektlar, yo‘l va ko‘priklar, bog‘ va xiyobonlar barpo etilmoqda. Yurtimiz qiyofasi kundandakunguna obod va go‘zal bo‘lib bormoqda.

Inson qadri ulug‘lash, uning hayotiy manfaatlari va ijtimoiy himoyasini ta‘minlash, ehtiyojmand aholi qatlamini qo‘llab-quvvatlash, millati, tili va dinidan qat‘i nazar, har bir yurt-doshimizga mehri va e‘tibor ko‘rsatish faoliyatimiz mezoniga aylanoqda.

Mamlakatimizdagi do‘stlik va hamjihatlik muhiti, yaxshi qo‘shnichilik, tinchliksevar tashqi siyosat tufayli xalqaro maydonda O‘zbekistonimizning obro‘-e‘tibori yuksalmog‘da.

Navro‘zi olamning insonparvarlik, tinchlik va bag‘rikenglik kabi qadriyatlariga uyg‘un va hamohang bunday ishlarimizni biz kelgusida yanada kengaytiramiz.

Muhtaram yurtdoshlar!

Navro‘zi olam bizni butun borliqni, avvalambor, yer va suv, hayvonot va o‘simlik dunyosini, sof havoni asrab-avaylab, ona tabiatga mehribon farzand bo‘lib yashashga davlat etadi.

Ana shunday ezgu chorlovga javoban buguni kunda yurtimizda ulkan ishlar amalga oshirilmoqda, Navro‘z hasharlari o‘tkazilmoqda. Jumladan, “Yashil makon” loyihasi doirasida millionlab mevali va manzarali ko‘chatlar ekilmoqda, yangi bog‘u rog‘lar barpo etilmoqda.

Qadimiy qo‘shiqimizda Navro‘z xazinalar ochiladigan baraka ayyomi, deb tarannum etiladi.

Mana, bugun mirishkor dehqon va fermer-

larimiz, bog‘bon va chorvadorlarimiz yangi mehnat mavsumini boshlamog‘da.

Ilohim, bobodehqonlarimizning omadini, baxtini bersin!

Daryolarimiz suvga to‘lib, hosilimiz mo‘l bo‘lsin!

Aziz do‘stlar!

Yoshlik — inson umrining bahori, uning Navro‘z bayramidir. Yoshlik — odamzod kamolot osmonida yulduzdek charaqlaydigan bebaho davrdir.

Yangi O‘zbekiston farzandlari — yuzlab, minglab o‘g‘il-qizlarimiz turli sohalaridagi yutuqlari bilan bu fikrni amalga isbotlamog‘dalar. Ularning kuch-g‘ayrati, ezgu harakatlariga qanot berish maqsadida biz joriy yilni mamlakatimizda “Yoshlar va biznesni qo‘llab-quvvatlash yili” deb e‘lon qildik.

Chunki doimo izlanish, tashabbus va yangilikka, o‘zligini namoyon etishga intilish yoshlik va tadbirkorlikka xos fazilatlar hisoblanadi.

Davomi 2-beta

SAMIMIY QUTLOVTLAR

Ko‘p millatli xalqimizning ona yurt va tabiatga mehr-muhabbat va g‘amxo‘rlik, ezgulik va bag‘rikenglik, bunyodkorlikka intilib, do‘stlik va totuvlikda yashash, tinchlik va farovonlikning qadriga yetish kabi olijanob qadriyatlarini o‘zida mujassam etgan qadimiy bayram — Navro‘zi olam munosabati

bilan O‘zbekiston Respublikasi Prezidenti nomiga xorijiy davlatlar va hukumatlar, xalqaro tashkilotlar rahbarlari, taniqli jamoat arboblari bilan samimiy tabriklar kelmog‘da.

Xorijiy yetakchilar va hamkorlar mamlakatimizdagi aholi hayot darajasi va sifatini oshirishga qaratilgan

ortga qaytmas siyosiy yangilanishlar va ijtimoiy-iqtisodiy ishlohtlarni yuksak baholab, ularni to‘liq qo‘llab-quvvatlashini, davlatimizning xalqaro maydondagi nufuzi sezilarli darajada mustahkamlanganini qayd etib, O‘zbekiston xalqiga bardavom ravnaq tilaklarini izhor etmog‘da.



O‘zbekiston Respublikasi Prezidenti Shavkat Mirziyoyev Janobi Oliylariga

Hurmatli Prezident janoblari!

Sizga Xitoy taqvimida bo‘yicha Yangi yil munosabati bilan yo‘llagan tabrik makhtubingiz uchun samimiy minnatdorlik bildirishga hamda Xitoy hukumati va xalqi nomidan, shaxsan o‘z nomimdan Sizni va O‘zbekiston xalqini an‘anaviy bayramingiz — Navro‘z bilan chin dildan qutlashga ijozat bergaysiz.

Yaqinda Xitoyga amalga oshirgan davlat tashrifingiz davomida biz sermazzun va samarali muzokaralar o‘tkazib, Xitoy bilan O‘zbekiston o‘rtasida barcha sharoitda har tomonlama strategik sheriklikni rivojlantirishimiz va Xitoy — O‘zbekiston umumiy taqdir hamjamiyatini yuksak ishonch bilan barpo etishimizni e‘lon qildik, bu esa ikki davlatning turli sohalaridagi hamkorligi uchun yangi tarixiy imkoniyatlarni ochadi.

Men Xitoy — O‘zbekiston munosabatlarini rivojlantirishga alohida e‘tibor qarataman va xalqlarimiz an‘anaviy do‘stligini mustahkamlash, Xitoy — O‘zbekiston umumiy taqdir hamjamiyatini barpo etishni katta amaliy mazmun bilan boyitish sari davlatlarimiz modernizatsiyasiga ko‘maklashish maqsadida ko‘p qirrali va o‘zaro manfaatli hamkorlikni kengaytirish borasida Siz bilan birgalikda ishlashga tayyorman.

Sizga mustahkam sog‘liq va faoliyatingizda muvaffaqiyatlar, do‘st O‘zbekiston xalqiga baxtsaodat va farovonlik tilayman.

Si SZINPIN, Xitoy Xalq Respublikasi Raisi



O‘zbekiston Respublikasi Prezidenti Shavkat Mirziyoyev Janobi Oliylariga

Hurmatli Prezident janoblari!

Qo‘shma Shtatlar xalqi nomidan Sizga va O‘zbekiston xalqiga uyg‘onish va yangilanish elchisi — Navro‘z ayyomi munosabati bilan eng ezgu tilaklarimni yo‘llamoqdam.

O‘tgan yil davomida biz Markaziy Osiyo va undan tashqarida tinchlik va farovonlikni ta‘minlash uchun xalqlarimiz bilan do‘stlik va mamlakatlarimiz o‘rtasidagi strategik sheriklikni mustahkamlash borasida hamkorlik qildik. Qo‘shma Shtatlar ushbu yangi imkoniyatlar davrida O‘zbekistonning ishlohtlar

va taraqqiyot yo‘lini qo‘llab-quvvatlaydi. Men xalqlarimiz va dunyodagi barcha insonlarga yanada yaxshi kelajak qurish yo‘lida mamlakatlarimiz birgalikda ishlashi uchun yangi imkoniyatlarni intizorlik bilan kutaman.

Navro‘z muborak! Hurmat bilan,

Jozef BAYDEN, Amerika Qo‘shma Shtatlari Prezidenti

Davomi 2-beta

O‘zbekiston Respublikasi Prezidentining FARMONI

MAHALLA TIZIMI XODIMLARI KUNI MUNOSABATI BILAN BIR GURUH YURTDOSHLARIMIZNI MUKOFOTLASH TO‘G‘RISIDA

Mamlakatimizda o‘zini o‘zi boshqarish organlari faoliyatini yangi bosqichga ko‘tarish, jamiyatimizda mahallaning o‘rni va nufuzini yanada yuksaltirish, inson qadri ulug‘lashga qaratilgan keng ko‘lamli ishlohtlarni amalga oshirish, mahallabiy ishlar tizimini samarali yo‘lga qo‘yish borasidagi katta xizmatlari, ko‘p asrlik an‘analarimizni asrab-avaylash, xalqimiz orasida do‘stlik va hamjihatlik muhitini mustahkamlash, oila institutini har tomonlama qo‘llab-quvvatlash, sog‘lom turmush tarzini targ‘ib etish, yosh avlodni ona Vatanga muhabbat va sadoqat, milliy va umumbashariy qadriyatlarga hurmat ruhida tarbiyalash ishlariga qo‘shgan munosib hissasi uchun quyidagilar mukofotlansin:

“Mehnat shuhrati” ordeni bilan

Ismatova Adibaxon Kosimovna — Izboskan tumanidagi “Shodlik” mahalla fuqarolar yig‘ini xotin-qizlar faoli, Andijon viloyati

“Do‘stlik” ordeni bilan

Begmatov Uchkun Ravshanovich — Paxtach tumanidagi “Qarnabota” mahalla fuqarolar yig‘ini raisi, Samarqand viloyati

Davomi 3-beta

